

ULAMA AHLI SUNNAH WAL JAMAAH SEPAKAT BAHAWA ALLAH BERSEMAYAM DI ATAS 'ARASYNYA

By Abu Humaira Dermawar As-Salafy

Ulama Ahli Sunnah Wal-Jamaah Sepakat Bahawa Allah Bersemayam Di Atas 'ArasyNya

Kesepakatan Ahli Sunnah wal-Jamaah yang berpegang dengan akidah para Salaf al-Ummah meyakini firman Allah di bawah ini tanpa tamsil, tasybih, ta'wil, tahrif dan takyif. Firman Allah:

Ummi Salamah radiallahu 'anha berkata:

''Al-Istiwa (bersemayam) itu tidak majhul (maklum/diketahui), caranya pula tidak diketahui (majhul) namun berikrar (berpegang) dengannya adalah keimanan dan menentangnya (tidak percaya bahawa Allah bersemayam) adalah kufur''.[1]

Semasa Imam Malik *rahimahullah* ditanya tentang maksud ayat:

Beliau menjawab:

''Al-Istiwa adalah sesuatu yang telah dimaklumi, (mempertanyakan) bagaimana (bentuk, rupa dan keadaannya) adalah mempertanyakan sesuatu yang majhul (tidak diketahui), mengimani perkara tersebut adalah wajib dan mempersoalkannya adalah merupakan suatu yang bid'ah".[2]

Istiwanya Allah di atas 'ArasyNya menunjukkan **ketinggianNya** atas segala makhluk dan Dia sentiasa berada dalam ketinggian. Terdapat banyak dalil-dalil dari al-Quran dan

hadis-hadis sahih yang menunjukkan tentang ketinggian Allah *Subhanahu wa-Ta'ala* antaranya:

"Dan Kursi Allah meliputi langit dan bumi dan Allah tidak merasa berat memelihara keduanya dan Dia (Allah) Maha Tinggi lagi Maha Agung". Al-Baqarah, 2:255.

"Sucikanlah nama Rabbmu Yang Paling Tinggi". Al-A'la, 87:1.

"Sesungguhnya Allah itu Maha Tinggi lagi Maha Besar". An-Nisa, 4:34.

"(Kuasa Allah) yang demikian itu adalah kerana sesungguhnya Allah, Dialah (Rabb) yang Hak dan sesungguhnya apa saja yang mereka seru selain Allah, itulah yang batil. Dan sesungguhnya Allah, Dialah yang Maha Tinggi lagi Maha Agung". Al-Haj, 22:62.

''Yang Maha Mengetahui semua yang ghaib dan yang nyata (yang nampak atau yang lahir), Yang Maha Agung lagi Maha Tinggi''. Ar-Ra'ad, 13:9.\

"Sehingga apabila telah dihilangkan ketakutan dari hati mereka, mereka berkata: Apakah yang telah difirmankan oleh Rabbmu, mereka menjawab: (Perkataan) yang hak (benar). Dan Dialah Yang Maha Tinggi lagi Maha Agung". Saba', 34:23.

"Sesungguhnya Dia (Allah Subhanahu wa-Ta'ala) Maha Tinggi lagi Maha Bijaksana". Asy-Syura, 42:51.

Hadis-hadis sahih yang menjelaskan ketinggian Allah antaranya ialah:

عَنْ آبِيْ هُرَيْرةً آنَّ النَّبِيَ صلَّى اللهُ عَلَيْهِ وَسلَّمَ قالَ: إِذَا قَضَى اللهُ الْاَمْرَ فِى السَّمَآءِ ضَرَبَتِ الْمَلائِكَةُ بِاجْنِهَتِهَا خَضْعَانًا لِقُولِهِ كَاثَةُ سِلْسِلَةٌ عَلَى صَفْوَانٍ يُنْقِدُهُمْ دَلَكَ حَتَّى إِذَا قُرِّعَ عَنْ قُلُوبِهِمْ قَالُواْ: مَاذَا قَالَ رَبُّكُمْ ؟ قَالُواْ الْحَقُ وَهُوَ الْعَلِيُّ الْكَبِيْرُ.

"Dari Abu Hurairah radiallahu 'anhu bahawasanya Nabi sallallahu 'alaihi wasallam bersabda: Apabila Allah menetapkan perintah di atas langit para malaikat memukul sayap-sayapnya kerana patuh akan firmanNya seakan-akan terdengar seperti gemerincing rantai (yang ditarik) di atas batu rata, hal itu menakutkan mereka (sehingga mereka jatuh pengsan kerana takut). Ketika dihilangkan rasa takut dari hati mereka, mereka berkata: Apakah yang difirmankan oleh Tuhanmu). Mereka menjawab: Firman Al-Hak yang benar dan Dialah yang Maha Tinggi dan Maha Besar".[3]

عَنْ عَبْدِ اللهِ بْنِ عُمَرَ رَضِيَ اللهُ عَنْهُمَا قالَ: قالَ رَسُولُ اللهِ صَلَّى اللهُ عَلَيْهِ وَسَلَّمَ: وَقِي اللهُ عَلَيْهِ وَسَلَّمَ: اِتَّقُوا دَعْوَةَ الْمَظْلُومِ فَإِنَّهَا تَصْعَدُ اِلَى اللهِ كَاثَهَا شِرَارَةً. وَفِي لَفْظٍ: اللهِ السَّمَآءِ. السَّمَآءِ.

''Dari Abdullah bin Umar radiallahu 'anhuma berkata: Bersabda Rasulullah sallallahu 'alaihi wa-sallam: Hati-hatilah kamu dari doa orang yang teranaiya (dizalimi atau diperlakukan secara tidak adil) kerana sesungguhnya doa mereka naik kepada Allah seperti bunga api. Pada lafaz yang lain, naik ke langit''.[4]

عَنْ جَابِرِ بْنِ عَبْدِ اللهِ رَضِيَ اللهُ عَنْهُ أَنَّ رَسُوْلَ اللهِ صَلَّى اللهُ عَلَيْهِ وَسَلَّمَ قَالَ فِي خُطْبَتِهِ يَوْمَ عَرَفَة : الا هَلْ بَلَغْتُ ؟ فَقَالُوْا : ثَعَمْ . فَجَعَلَ يَرْفَعُ اللهَ السَّمَاءِ وَيَثْكُتُهَا اللهُمْ وَيَقُولُ : اَللَّهُمَّ الشَّهَدْ.

''Dari Jabir bin Abdullah radiallahu 'anhu bahawa Rasulullah sallallahu 'alaihi wa-sallam bersabda semasa berkhutbah di hari 'Arafah: Apakah aku sudah sampaikan (risalahku)? Para sahabat menjawab: Ya! Kemudian Rasulullah sallallahu 'alaihi wa-sallam mengisyaratkan jari telunjuknya ke langit lalu bersabda: Ya Allah saksikanlah!''.[5]

عَن سَعِيْدِ الْخُدْرِيِّ أَنَّ رَسُولَ اللهِ صَلَّى عَلَيْهِ وَسَلَّمَ قَالَ: الاَ تَامَنُونَنِيْ وَاللهِ مَن السَّمَاءِ وَاللهُ عَلَيْهُ وَسَبَاحٌ وَمَسَاءٌ.

''Dari Sa'ed al-Khudri sesungguhnya Rasulullah sallallahu 'alaihi wa-sallam telah bersabda: Tidakkah kamu mempercayai aku sedangkan aku yang dipercayai oleh (Zat) Yang berada di atas langit Yang menurunkan khabar (wahyu) pada waktu pagi dan petang?".[6]

"Telah bersabda Rasulullah sallallahu 'alaihi wa-sallam: Orang-orang yang menyayangi akan disayangi oleh Ar-Rahman (Allah). Sayangilah orang yang di bumi, akan disayangi oleh Yang di langit (Allah)".[7]

"Bersabda Rasulullah sallallahu 'alaihi wa-sallam: Demi nyawaku yang di tanganNya, tidaklah seseorang lelaki (suami) yang mengajak isterinya ke tempat tidurnya maka ia (isterinya) enggan mematuhinya kecuali Yang di langit (Allah) akan mengutuknya (memurkainya) sehinggalah ia diredhai oleh suaminya".[8]

''Sesungguhnya pada waktu itu dibuka pintu-pintu langit, maka aku suka amalamal solehku diangkat naik pada saat tersebut''. [9]

Nabi Muhammad *sallallahu 'alaihi wa-sallam* pernah bertanya kepada Amran bin Hussin yang diketika itu beliau belum memeluk Islam:

"Bertanya Rasulullah (kepada Amran bin Hussin sebelum beliau memeluk Islam): Berapa tuhan yang engkau sembah pada hari ini? Beliau menjawab: Tujuh, enam di bumi dan satu di langit. Baginda bertanya: Diketika engkau ditimpa bahaya maka tuhan yang mana yang engkau seru? Beliau menjawab: Tuhan yang di langit". 1001

Zainab *radiallahu 'anha* berbangga kerana beliau dinikahkan oleh Allah yang di atas langit yang ketujuh:

''Kamu dikahwinkan oleh ahli-ahli kamu dan aku dikahwinkan oleh Allah dari atas langit yang ketujuh''.[11]

Semasa kewafatan 'Aisyah, Ibn Abbas radiallahu 'anhu berkata kepadanya:

كُنْتُ أُحِبُّ نِسَاءَ رَسُوْلَ اللهِ صَلَّى اللهُ عَلَيْهِ وَسَلَّمَ اِلَى رَسُوْلِ اللهِ صَلَّى اللهُ عَلَيْهِ وَسَلَّمَ اِلْمَ يُحِبُّ اِلْأَطْيِبًا وَٱنْزَلَ عَلَيْهِ وَسَلَّمَ يُحِبُّ اِلْأَطْيِبًا وَٱنْزَلَ اللهُ بَرَاءَ تِكِ مِنْ قُوْقَ سَبِعَ سَمَاوَاتِ.

''Aku sentiasa mencintai para isteri Rasulullah salallahu 'alaihi wa-sallam sebagaimana mencintai Rasulullah dan tidak pernah Rasulullah salallahu 'alaihi wa-sallam mencintai sesuatu kecuali kerana kebaikannya dan Allah telah membersihkan engkau dari atas langit yang ketujuh''.[12]

''Berkata 'Umar bin al-Khattab: Inilah wanita yang didengar oleh Allah pengaduannya dari atas langit yang ketujuh, inilah Khaulah binti Thalabah''.[13]

''Setelah Allah mencipta makhluk, ditulis satu kitab di sisiNya: RahmatKu mendahului kemurkaanKu, maka ia di sisiNya di atas 'Arasy''.[14]

Dalil-dalil di atas menerangkan bahawa Allah *Subhanahu wa-Ta'ala* bersemayam di atas 'ArasyNya. 'ArasyNya berada di atas langit yang ketujuh sebagaimana yang telah disepakati oleh jumhur ulama Salaf as-Soleh.

Imam Abu Hasan al-Asy'ari *rahimahullah* juga telah menjelaskan bahawa al-Quran bukan makhluk dan diturunkan oleh **Allah yang berada di langit**: Dan berkata lagi:

"Allah mempunyai sifat, mempunyai tangan, bersemayam di atas 'ArasyNya, mempunyai muka dan al-Quran itu Kalamullah bukan makhluk dan ia diturunkan (dari langit)".[15]

Mengingkari keterangan dan penetapan nama-nama, sifat, zat dan perbuatan Allah sebagaimana yang terdapat pada dalil-dalil dari al-Quran, hadis-hadis dan athar yang sahih ini adalah kufur hukumnya. Dalam hal ini, Imam al-Auza'ie dianggap Imam ahli Syam dizamannya, beliau telah menegaskan:

كُنَّا وَالتَّابِعُونَ مُتَوَافِرُونَ نُقُولُ: أَنَّ اللهَ عَلَى عَرْشِهِ وَنُؤْمِنُوا بِمَاوَرَدَتْ بِهِ السُّنَةُ مِنْ صِفَاتِ اللهِ تَعَالَى.

''Kami dan para Tabi'in sepakat menetapkan dengan qaul kami bahawa: Sesungguhnya Allah di atas 'ArasyNya dan kami beriman dengan apa yang telah dinyatakan oleh sunnah berkenaan sifat-sifat Allah Ta'ala''. [16]

عَنْ عَبْدِاللهِ بْنِ وَهَبِ قَالَ: كُنْتُ عِنْدَ مَالِكِ فَدَخَلَ رَجُلٌ فَقَالَ: يَا اَبَا عَبْدَ الرَّحْمَن '' اَلرَّحْمَن '' اَلرَّحْمَن '' اَلرَّحْمَن '' الرَّحْمَن '' كَيْف اسْتَوَى '' كَيْف اسْتَوَى ' فَاطْرَق مَالِكُ فَاحَدُتْهُ الرَّحْمَن عَلَى الْعَرْشِ فَاحَدُتْهُ الرَّحْمَن عَلَى الْعَرْشِ اسْتَوَى كَمَاوَصَف بِهِ نَقْسَهُ وَلا يُقَالُ كَيْف وَكَيْف عَنْهُ مَرْفُوعٌ وَمَا اَرَاكَ اللَّ صَاحِبُ بِدْعَة فَاخْر جُوهُ.

"Abdullah bin Wahab berkata: Aku pernah bersama Malik maka masuk seorang lelaki lalu bertanya: Wahai Aba Abdul Rahman! "Ar-Rahman (Allah) bersemayam di atas 'Arasy", bagaimana Dia bersemayam? Beliau terus mengingkari dan dengan keadaannya yang marah sambil mengangkat kepalanya berkata: Ar-Rahman (Allah) bersemayam di atas 'ArasyNya sebagaimana yang telah disifatkan oleh Allah pada dirinya sendiri dan janganlah ditanya bagaimana dan kenapa kerana telah marfu' tentangnya, dan tidaklah aku ketahui tentang dirimu kecuali seorang pelaku bid'ah, maka keluarkanlah dia".[17]

Bertanyakan "Bagaimana Allah bersemayam di atas 'Arasy" dianggap oleh Imam Malik dan Rabi'ah sebagai pertanyaan yang haram dan bid'ah, kerana bertanya tentang apa yang tidak diketahui oleh manusia, dan sesuatu yang tidak diketahui maka tidak mungkin mereka akan memperolehi jawapannya. [18]

Sesungguhnya memperkatakan sifat-sifat Allah adalah sebahagian dari memperkatakan tentang zatNya, sebagaimana akal tidak berdaya mengetahui tentang zatNya maka begitu jugalah akal tidak mampu mengetahui tentang bagaimananya sifat Allah.

Beginilah manhaj yang diikuti oleh para Salaf as-Soleh *rahimahumullah* (tentang memahami sifat dan zat Allah 'Azza wa-Jalla), mereka meletakkan kesempurnaan akal mengikut tempat dan kadar kemampuannya[20] dan tidak mencabuli ayat-ayat dan sabda NabiNya dengan akal dan hawa nafsunya.

قَالَ التُّرْمِزِيُّ: وَهُوَ عَلَى الْعَرْشِ كَمَا وَصَفَ بِهِ نَفْسهُ فِي كِتَابِهِ كَذَا قَالَ عَيْرُ وَاحَدٍ مِنْ اَهْلِ الْعِلْمِ.

"Berkata Turmizi: Ia bersemayam di atas 'Arasy sebagaimana yang disifatkanNya sendiri di dalam kitabNya. Beginilah perkataan ahli ilmu yang bukan seorang sahaja yang mengatakannya seperti itu".[21]

الله Lihat: والتفويض بصفات رب العالمين hlm. 32. Redza bin Nu'san Mukti. Dikeluarkan juga oleh al-Lalakaii dalam شرح اصول السنة

- [3]. H/R Bukhari dan Ibnu Majah. Disahihkan oleh al-Albani.
- [4]. H/R al-Hakim, ad-Darimi dan az-Zahabi (disahihkan oleh al-Albani).
- [5]. H/R Bukhari, Muslim, Abu Daud, ad-Darimi dan Ibn Majah (Disahihkan oleh al-Albani).
- [6]. H/R Ahmad. 3/4. Bukhari. No. 4351. Muslim, bab az-Zakah.
- 144. Ahmad, Abu Daud, an-Nasaii dan Baihaqi.
- [7]. H/R Abu Daud. 4941, hadis hasan sahih. H/R al-Baihaqi dalam "Asma wa as-Sifat" hlm. 300.
- [8]. H/R Muslim, bab an-Nikah. 121.
- [9]. H/R Ahmad dan Turmizi. (Hadis sahih).
- [10]. H/R Al-Baihagi dalam "Al-Asma wa-Sifat" hlm. 300.
- [11]. H/R Bukhari No. 7420. Baihaqi "Al-Asma wa-Sifat". Hlm. 296.
- [12]. H/R Bukhari No. 7421.
- [13]. Dikeluarkan oleh al-Baihiqi di dalam sanadnya.Lihat:

hlm. 39. Ibn Qaiyim. اجتماع الجيوش الاسلامية

- [14]. H/R Bukhari, 7554. Muslim, bab at-Taubah, 14.
- اعتقاد ائمة الحديث :Hlm. 50-51. Ismaili
- ينام. Lihat: فتح البارى. Jld. 13. Hlm. 406. Ibn Hajar al-Asqalani.
- [17]. Ibid. Hlm. 407.
- الدعوة السلفية في مفهومها الصحيح عقيدة وعبادة الله. 92. Sa'udin Mohammad Al-Kasbi.
- [19]. Ibid.
- [20]. Ibid.
- [21]. Lihat: عون المعبود. Jld. 13. Hlm. 42.

DERMAWAR SALAFI

BERPEGANG TEGUH DENGAN SALAFI

Copyright © 2009 Abu Humaira Dermawar As-Salafy www.jihadsalafi.blogspot.com

^{[2].} Al-Akidah al-Wasitiyah. Ibn Taimiyah. Syarah Soleh Fauzan al-Fauzan. Hlm. 14.